



|| *Da capo.*
122.



320^h

Wunderhorn 9182.
 Op. 208 No. 51.

Cembalo
 piano.

Ein kurze Verma-
nung/das alle Christen schul
dich sind / dem Exempel

des bekerten Schechers nach zu volgen/
nemlich / Christum vnd sein Wort/
wider die Schmeher vnd Lestea-
rer zu verteidigen / Vera-
deutschet durch
Georgium Maiorem.

Philip. Melanth.

Anno. M. D. XL.

Wittenberg.

9.

No 3329

Gut für die Welt

und alle Christen

die in dem Himmel

des heiligen Geistes

in dem Himmel

in dem Himmel

in dem Himmel

in dem Himmel

in dem Himmel

in dem Himmel

in dem Himmel

in dem Himmel

Einkurtze Vermanung/ Das
alle Christen schuldig sind / dem Exempel
des bekanten Schechers nach zuola-
gen / nemlich Christum vnd sein
wört / Wider die Schmeher vnd
Lesterer zuuertedigen.



Sind viel hohe
vnd treffliche vrsachen/
von welcher wegen/ wir
das teure vnd heilbare
leiden vnser Lieben
Herrn vnd heilands Je-
su Christi vleissig be-
trachten / vnd stets vor
augen haben sollen. Denn wie wol Gott der
Herre von des wegen vns das schöne / her-
lich vnd Wunderbarlich geben der gantzen
Welt/ die seltsame vnd tegliche verende-
rung des tages / vnd der nacht / auch der vier
zeit im jar / Darnach die schone vnd liebli-
che gestalt der Sonnen des Monden / vnd
aller stern / sampt irem herlichen schein vnd
wunderbarlichen lauff vnd bewegung /
Auch das die Erde so fruchtbar ist / vnd al-
les was da lebt vnd schwebt erneret / Vnd
in summa wie wol Gott der Herre / vns alle
Creaturen des halben vor die augen gestalt/
das wir sein gnedigen gutigen willen kegen
vns / daran erkennen sollen / das er vnser

2 ij Liber

Eiber Vater / vns seine Kinder nicht verla-
ssen sondern erhalten / vnd wider alle wider-
wertikeit schutzen vnd verteidigen wil /
Idoch haben wir arme Menschen / kein
grosser vnd gewisser anzeigung vnd versiche-
rung / seiner vnaussprechlichen liebe vnd
barmhertzigkeit gegen vns / Denn das er sei-
nen einigen gelibten Son von vnser sunden
wegen in den schmelichen todt des Creutzes
gegeben hat / Wie auch Christus selbs sol-
che lieb des Vaters gegen vns hoch rümet /
da er Johannis am dritten also spricht / Al-
so hat Gott die Welt gelibet / das er seinen
einigen Son gab etc.

Derhalben sollen wir solche gewisse
anzeigung der veterlichen lieb gegen vns /
so durch den todt Christi geschehen / vnd
vns bestettiget / nimer mehr aus vnseren
augen vnd hertzen kommen lassen / vnd dar-
aus erkennen vnd lernen / Was vor einer
schrecklicher vnd grimmiger zorn Gottes wi-
der die Sünde der menschen sein mus / Die-
weil solcher durch keiner creatur opffer oder
vermogen / sondern allein durch den todt des
Sons Gottes hat können gestilt vnd verso-
net mogen werden.

Daran erkennen vnd sehen wir auch
die vnaussprechliche liebe Gottes gegen vns /
das er sein eignen vnd einigen Son von vn-
ser

fer sunden wegen hat sterben vnd opfern la-
ssen / vnd von wegen solches teures opfers
vns die vergebung der sunden vnd die ewige
seligkeit gewislich verheischen vnd treulich
chen zugesagt.

Das sind die heubtstück der Göttli-
chen Weisheit / welche vns in dem leiden
vnd sterben vnsern Herrn Jesu Christi zube-
trachten werden für gehalten.

Über diese zwey / als des zorns Gottes
wider die sünde / vnd der Barmhertzigkeit
durch Christum Jesum / sind auch viel an-
dere nützliche stücke vnd lere welche wir
hierinnen sollen bedencken. Wiewol aber
nichts im leiden vnsern Herrn Christi ist / wel-
ches nicht eine sonderliche bedeutung hat /
Idoch ist schier kein stück des heiligen leis-
dens / welches vns so vleissig zubetrachten /
vnd der Christlichen Kirchen so mancherley
lere vnd Geheimnis furhelt / als da vnser lie-
ber Herr Ihesus Christus / nu an sein höch-
ste marter Pumpt / vnd an das Creutz ge-
schlagen wird.

Denn das er zwischen zween Schei-
der vnd Morder geheneckt wird / welcher
der eine Christum hönet / schmehet vnd le-
stert / der ander aber / wird aus einem Mor-
der ein forsechter vnd vertediger des Herrn
A in Chri

Christi/ dis alles ist nicht on gefehr / sön-
dern auß Göttlicher versehung vnd ord-
nung also geschehen vnd ergangen. Denn
nicht allein die betrachtung diser geschicht/
söndern auch der beider Mörder zancß vnd
hadder/ so sich vmb Christus willen zwis-
schen jnen erhebt/ leret vnd helt vns viel nütz-
lichs dings fur. Darnach diese wort Christi
das er zum Morder spricht/ Heute wirstu
mit mir im Paradis sein / durch welche
wortt/ der selbige Morder / dieweil er jnen
geglaubt / ist selig worden / sind nicht also
zuuorstehen / das sie allein zu dem selbigen
Morder von Christo gesprochen sind / vnd
vns nichts angehen / söndern jederman sol
wissen / das es die wortt vnd Predigt des hei-
ligen Euangelij sind / welcher sich alle glau-
bigen zu allen vnd ewigen zeiten / also sollen
anneimen / als werē sie / wie es den auch war
ist / zu einem iglichen vnter vns gläubigen
selbst / von Christo gesprochen. Denn vns
in solchen Worten ein sehr groser vnd liebli-
cher trost wird fur gehalten.

Denn wer das spectakel / vnd diese wort
recht betracht / der wird sehen / das alhie an-
gezeigt vnd vns furgemalet ist / wie es vor
zeiten in der Kirchen ergangen / Wie es auch
itzt zu vnser zeit / vnd nach vns ergehen
wird / Er wird auch sehen / das alhie in dies-
sem kurtzen gesprech / aller heiligen Pro-
pheten

pheten vnd Aposteln lere vnd predig sehr
schön begriffen sind.

Derhalben sollen alle fromme hertzen/
sunderlich zu diesen fehrlichen zeiten / das
stück des leidens vnsern lieben Herrn Jesu
Christi vleissig behertzen vnd betrach-
ten / vnd gedenccken / wer ein rechter warhaff-
tiger Christ sein wil / das er schuldig sey dem
Exempel dieses Schechers vnd Mörders
mit allem ernst nachzufolgen / Welcher wie
wol er grenlichen zermartert / vnd an seinem
leibe zerrissen / da am Creutz henge / vnd
jme itzt die seele schier wil ausfahren / Idoch
gedenckt er gleich wol / das er schuldig sey /
die ehre des Sons Gottes vnsern Herrn
Christi Jesu / Wider die verfolger vnd lester-
er zuverteidigen.

Solcher erinnerung vnd vermanung ist
zu dieser zeit fast sehr vnd hoch von noten.
Denn wir sehen wie nu der Papst / sampt
sein Bischoffen vnd Cardinalen / eine lange
zeit here den Herrn Christum sambt sei-
nem heiligen Euangelio / nicht allein viel
grenlicher den dieser ander Mörder schendet
vnd lestert / sondern auch durch sein wüten
vnd töben allenthalben viel vnschuldiges
Christliches bluts vergenst / den Herrn
Christum nun zum ander mal in seinen gelnb-
ten gliedern martert vnd Creutziget / vnd all-
le ist

le jr sin/gedancken/rete vnd anschlege allein
dabin gehen / das durch ein mörderischen
krieg/die rechte warhafftige Christliche Kir
che werde verwüster vnd zerstöret.

Zu solcher der Bischoffen Tyranny/hel
ffen etliche Könige / Fürsten vnd Potentas
ten/vnd die gewaltigen in Steten/allein das
sie verhoffen/ danon auch partem et tuni
cam/ ein stück von dem Rock des Gecreutzig
ten Christi zuerlangen. Darzu heuchlen
auch denselbigen etliche geleerte Leute / wie
der Silenus in der hülle dem Cyclopi heuch
let (wie Euripides schreibet) das er Sorge
hat/ er würde in sonst auffressen/ die selbige
geleerte/auff das sie ire gunst vndgnade/ bey
iren Herrn erhalten/ Werden sie auch zu lei
ster Schechern/schenden vnd schmeichen den
armen gecreutzigten Christum / durch
ire lesterschrifft vnd schendbucher.

Etlichen andern aber / welche was
fromer/ weisser vnd verstendiger sind/ Den
thuts wol wehe/ das die Christliche Kirche/
mit solcher der Bischoffen greuchlichen/
vnd Teuffelischen Tyranny zerplaget vnd
zerrissen wird/ jedoch wie die lieben Apostel/
da Christus gefangen ward/von im lieffen/
vnd sich vor forcht der Jüden innen hiel
ten/ also dürfen die selbigen zu dieser zeit/
von wegen der Tyrannen / nicht mucken/
noch

noch sich einiges worts vernemen lassen/
dieweil sie sehen/das inen den hals kostet.

Wie wol nun wir/die wir nicht im Re-
giment/noch keine gewalt haben / vnd in
grosser fehrlichkeit/von wegen der Tyrannen
stehen/zu solcher jemerlichen vnd erbarmli-
chen zeit/wenig der armen elenden Christli-
chen Kirchen helfen oder raten können/
Idoch sollen wir dem Exempel dieses Mör-
ders nach volgen/Welcher wie wol er hart
gemartert wird/vnd itzunt sterben sol/idoch
antwortet er / den schmech vnd lesterworten
des andern Mörders/vnd dieweil er mit der
that nicht kan / so verteidiget er doch mit
worten die ehre des Herrn Christi.

Dieweil denn dieser geschicht deutung
vnd auslegung/ewen auff diese vnser zeit
vnd welt gehet / vnd wir darmit gemeinet
werden/ so sollen auch alle Gottsfürchtige
hertzen/aus solcher geschicht nützliche lere
vnd exempel nemen / dardurch sie bewegt
vnd gereitzt mögen werden/dieses Mörders
glauben vnd beständigkeit nach zu folgen /
welcher nicht allein durch den glauben sie-
het vnd öffentlichen bekennet/das dieser Je-
sus/ so zwischen inen vnd in gleicher straffe
vñ marter hengeset/ein Herr sey vber den todt
vnd das leben / der do vor das vergänglich-
che/

B

che/

che/ das ewige leben geben könne/ sondern
verteidiget in auch on alle scheu / für der
gantzen Welt so da vorhanden ware / vnd
Christum auch schmehet vnd hōnet / wider
seines gesellen lester Wort. Derhalben wil
ich die deutung dieser historien / reicher vnd
mit mehr Worten nūn handeln vnd ausles
gen.

Die zween Mörder so mit dem Herrn
Christo gecreutziget vnd getodt sind / bedeu
ten / das das gantze menschliche geschlecht/
von wegen der sunden/ dem Creutz vnd todt
vnterworffen sey. Darumb mus man nicht
gedencken / das da allein zween Mörder/
sondern alle menschen/ so vor vns gewesen/
jetzund mit vns / vnd nach vns leben wer
den / am Creutz hengen / vnd das wir alle
sambt / niemands ausgeschlossen Mörder
sind. Denn vnter vns ist keiner nicht / wel
cher nicht wider Gott den Herrn greul
ichen gesündigtet hette/ vnd ob schon eines
teils nicht mit der that sich vergriffen heta
ten/so haben sie sich doch mit rat oder ges
danken an Gott versündigtet / Vnd in sum
ma/es ist vnter vns keiner nicht/der da nicht
durch seine sunde zu dem leiden / vnd sterben
Unsers Lieben Heilandes des Herrn Chris
ti Jesu vrsach gegeben hette.

Nach dem wir aber allesamt/ den todt
vor

vor Gott vorwircket vnd verschuldet hat-
ten/ Da hat Gott der himelische Vater aus
vnaussprechlicher Barmhertzigkeit vnd lieb ke-
gen vns/ seinen einigen geliebten Son vns
geschenckt/ das der selbige von wegen vns-
ser sünde / zur versöhnung solte geschlacht/ ge-
todet / vnd ime dem Vater geopfert werden/
vnd durch solch sein heiliges sterben vnd op-
fer die sünde vertilgen/ den tod töden / vnd
für denn tode / das ewige leben vns erwer-
ben solt.

Solche seine ewige vnd himlische gü-
ter/ die er mit seinem heiligen / vnd teuren
blut erworben vnd erkauft hat/ bent er vns
in seinem Euangelio an/ vnd teilet sie aus/
allen den jenigen / welchen ire sünde hertz-
lich leid sein/ gnade vnd vergebung irer sun-
den begeren/ vnd auff seine trostliche zusä-
gung vnd verheissung/durch beständigen
glauben/hoffen vnd warten.

Dieruber aber hebt sich nu der streit
vnd haddet vnter den menschen / Das gro-
ste teil der Welt/ veracht solchen teuren wer-
den schatz / zumor aus / dieweil es sihet /
das Christus selbs / so wol als die andere
lent an das Creutz geschlagen/verfolget ge-
martert / vnd getödet wird.

Denn wie solten alhie die Epicurei/
B ij die

Die welt weisen / so Gott verachten / von dem
armen / mittē vnter den Mördern gehengck-
ten Christo / der himelischen guter vnd des
ewigen leben gewertig sein: Welche meinen
die weil es in der Welt so seltzam zugehet /
das kein Gott nicht sey / der die Welt regire /
vnd alles on Gottes verfehung vnd ord-
nung geschehe / vnd er sich vnser sachen gar
nicht anneme / sondern wol anders zuscha-
ffen habe.

Derhalben spotten vnd verlachen sie
alles das jenige / so Gott der Herre / inn der
heiligen schrift zu allen zeiten nach einander
von seinem Göttlichen willen / vnd dem
ewigen leben / vns durch seine heilige Pro-
pheten / eroffnen vnd verkündigen hat las-
sen / als werens irgent rocken merlein / oder
fabeln von mußigen leuten erdacht / so doch
vnser Lieber Herre Gott der Vater / durch
die zukunfft seines Sons / vnd seine grosse
wunderwerck / welcher er vnzelich viel ge-
than / Darnach auch durch seine herliche
vnd wunderbarliche aufferstehung von den
toden / das alles freßtiglichen bestettiget
vnd bekräftiget hat.

Solches spotten vnd verlachen der
Gottlosen / wird durch diese lesterwort des
andern Mörders angezeigt / das er spricht /
Bistw.

Bistu Christus / so hilff dir selbst vnd vns.
Also thut der Gottlose hauffe / furcht sich
nicht / wie wol er mitten im tode steckt / vnd
mit ans Creutz geschlagen / mit dem Teuffel
vnd allem menschlichen hertzleit / vnd jam-
mer vmb ringet vnd vmbgeben ist / Idoch
siehet vnd erkennet er nicht seine eigen plage
vnd marter / inn welcher er steckt / furchtet
sich nichts / vor dem gestrengen / vnd er-
schrecklichen gericht Gottes / sondern feret
inn seinem Gottlosen wesen vnd fürnemen
fort / helt alle Christliche lere vnd Religion
für lauter affen spiel.

Wenn er aber siehet das solche lere vnd
Religion ime irgends wor an / als an zeitli-
chem gut oder ehre / schaden thun möcht /
da weret er den mit henden vnd fussen / sehet
wider solche lere mit schwert / feur / wasser
vnd aller seiner macht / zu wüten vnd zu to-
ben / ruffet Keiser vnd Könige / Fürsten vnd
Verrn / ja den Teuffel auch wol selbst an /
versuchet alles / was er kan vnd mag / schen-
det vnd lestert / vnd gedencet solche lere / von
wegen seines nutz / zu dempffen vnd vertil-
gen / da mus sich denn das arme / vnschul-
dige / Christliche blut leiden / Denn wie zur
selbigen zeit / da Christus gecreuziget ward /
der Schecher den Son Gottes / mit seinen
lästerworten schmehet vnd hōnet / also ver-
B. iij. spotten

spotten vnd verlachen die gottlosen / Christus
stum vnd sein wort zu allen zeiten.

Man sol aber wissen / das solches nicht
new oder vngewönlich sey / Denn Christus
noch viel ein grimmigern feind / denn die
gottlosen hat / dasselbige ist der Teuffel / der
gottlosen Vater / vnd der Fürst dieser welt /
welche gottlose / Christum zu verfolgen /
durch iren Vater vnd Fürsten gereizet vnd
getrieben werden / der selbige hat auch vn-
sere erste Vater vnd Mutter / Adam vnd
Eua / aus grossem zorn vnd neid / von Gott
dem **DEKK** / durch seine giftige lügen
abgewandt / vnd zu sich vnter sein Reich ge-
zogen / Der selbige gewaltige Geist / hat
das arme / elende Weib Eua im Paradis
auch mit solchen giftigen stichen vnd fals-
chen reden vnd hönungen / angegriffen vnd
betrogen / da er ir verhiesse / sie sollten sein
wie Gott / Wie er denn sprach / Gott weis /
das / welches tages ir danon esset / so wer-
den ewre augen auffgethan / vnd werdet
sein wie Gott.

Der selbige Lesterey vnd Lügen Geist /
verblendet zu allen zeiten etlicher Leute her-
zen / das sie nicht zu dem rechten erkentnis
Gottes komen können / vnd gebräuchet ir /
als seiner glider vnd werzeug / durch wel-
che

che er seinen grimmigen zorn vnd hasß / wider den Son Gottes / den selbigen sampt den seinen zu lester vnd verfolgen / vbet vnd ausspeiet. So werden nu wol diese gifftige pfeil vnd lester wort / von dem Schecher / vnd dem andern gottlosen hauffen wider Christum vnd die seine geschossen / es ist aber ein ander / der solche pfeil fiddert / Das selbige ist Meister Teuffel / der stoltze / hof- fertige Geist / vnd grimmige feind Gottes.

Lieber Gott aber / wie ist das so ein erschrecklich / vnd jemerlich ding / das ein Mensch sol des Teuffels Knecht / rüstung vnd wergzeug sein / durch welchen er sein vnansprechlichen hasß / neid vnd zorn wider Gott den **HEILIGEN** treibe vnd vbe? In einem solchen Teuffels dienst / lebet Nero vnd alle gottlose Menschen / Das sie des Teuffels / mit züchten zu reden / Scheiße- heuser sind / darein der Teuffel sein giff vnd vnflat thut / vnd alles / was er wil / in sie brewet / jr nach seinem willen / wider Gott den **HEILIGEN** / brauchet / Verblendet sie durch gelt / gut vnd ehre / eines teils auch durch eigene vnd selbst ertichte heiligkeit / das sie meinen / sie sitzen mitten im Rosengarten / vnd sie seien mitten im leben / so sie doch am Creutz hangen / vnd den Tod am halse tragen.

Den

Denn das glück vnd die wollust die
sie haben / weren nicht lang / vnd müßens
mit der zeit alles mit einander / Leib vnd le-
ben / gelt / gut vnd ehre / vnd was sie haben /
verlassen / vnd darnach von wegen irer sün-
den / hellische vnd ewige qual vnd marter
leiden / Von welcher ewiger angst vnd not /
wiewol sie durch Christum / welcher neben
inen auch an das Creutze gehenck ist / wol
kündten errettet werden / doch wollen sie im
die ehre nicht thun / das sie in für iren Hei-
land vnd Erlöser erkennen / Gnad vnd
hülffe von im begereten / sondern verach-
ten vnd schmehen iren Erlöser .

Die selbige / welcher hertz also allein an
zeitlicher ehre / gelt vnd gut / oder selbst er-
richten heiligkeit henget / wenn sie der Teufel
nu in irem irthumb gestercket / vnd sie
besser eingenomen vnd verblendet / so füret
er denn vnd regiret sie / wie er nur wil / nach
allem seinem gefallen / das sie im nu hinfort
an / gar keinen widerstand thun können d
machet das sie Gott dem **WERN** fein /
werden / vnd die rechte Christen verfolgen .

Dadurch aber entgehen sie dem Tode
nicht / den ob wol der Schecher den **WERN**
Christum / den Obersten im Jüdischen
volck / vnd dem Pöfel zu gefallen hönet vnd
schmehet /

schmehet/ doch mus er gleichwol am creutz
sterben/ Also auch entfliehen diese nicht da-
mit dem Tode / sondern verdienen zwifach
die ewige hellische marter vnd pein/ Erst-
lich/ das sie mit dem gantzen Menschlichen
geschlecht/ von wegen der sünden die straffe
des Creutzes vnd den Todt verdienen vnd
verwircken. Zum andern/ das sie vber sol-
che gemeine sünde / auch Christum iren Er-
löser verachten vnd lesteren / vnd seine heilige
Christliche glieder/ die warhafftigen Chri-
sten verfolgen vnd ermorden.

Dieser gantzer gottloser hauffe / wird
alhie durch den Lesterschecher bedeutet.

Nu mus ich auch von dem andern
Schecher sagen/ welcher sich bekeret/ gnad
vnd vergebung der sünden bey Christo such-
et/ Durch den selbigen wird die Weilige/
warhafftige / Christliche Kirche bedeutet/
Welches das ander teil des Menschlichen
geschlechts ist / vnd auch des begangen
Mords/ an dem Herrn Christo schuldig /
die selbige bekennet auch ire sünde vnd schul-
de/ vnd sihet/ das sie dem Tode / vnd allem
hertzleid vnd jamer vnterworffen / vnd so
wol / als das ander teil der Menschen / an
das Creutz geschlagen ist / vnd den Todt
verwirckt hat / **I**doch hat das teil vor dem
ander

andern den vorteil / den grossen vnd reichen
trost / das / wo das ander Teil nach diesem
leben / sampt irem herrn dem Teuffel / dem
sie alhie gedienet haben / in der Helle den
ewigen todt / die hellische qual vnd marter
haben wird / da sol das Teil bey seinem lie-
ben **W**Ern Ihesu Christo im Paradis / das
ewige leben / ewige freude vnd gerechtigkeit
haben.

Wie nu das zu gehet / wollen wir aus
dem gesprech / so dieser Mörder mit dem
WErn Christo am Creutz helt / lernen / in
welchem (wie ich vor gesagt) die Summa
aller Propheten vnd Apostel Lere vnd Sch-
rifft begriffen wird.

Erstlich bekennet dieser Mörder / das er
ein grosser Sünder sey / sihet für augen vnd
fület den Grewel vnd die grosse last seiner
sünden / Erschricket für dem zorn vnd gestren-
gen Gericht Gottes / darnach ermannet vnd
tröstet er sich widerumb durch den Glau-
ben / vnd die zuuersicht der gnaden vnd
barmhertzigkeit Gottes / vnd hat seine zu-
flucht zu dem **W**Ern Christo Ihesu / hof-
fet vnd vertrauet / er werde in von seinen
sünden / allem jamer vnd hertzleit erlösen /
in sein Reich nemen / vnd selig machen .

Denn

Denn er hatte zu vor gehört / was
dieser Ihesus / so ietzund mit im gecrentz-
get wird / allenthalben geleret / vnd gepre-
diget / hatte auch viel manichfaltige vnd
treffliche wunderzeichen gesehen / durch
welche er seine Lere bestetiget vnd bekrefti-
get / Darzu auch wol gemercket / das die
hohen Priester / Schriftgelerten vnd Pha-
riseer / in vnschuldiglichen zu dem Tode ver-
urtheilet / vnd dem Landespfleger Pilato / zu
Crentzigen vberantwort hatten . Ober
das alles / hatte er auch etliche rede vnd
wort am Creutz von im gehört / durch wela-
che er leichtlich abnemen vnd verstehen kon-
te / das der Christus nicht ein gemeiner
Mensch / sondern was mehr vnd größers
sein müßte .

Derhalben helt er in / in seinem hertzen /
für den warhafftigen Messiam / der Israel
erlösen / vnd der welt Weiland sein solt /
Solcher Glaube kan in im nicht verborgen
bleiben / sondern bricht durch ein öffentlich
bekentnis vnd gebet heraus / vnd spricht /
Herr / gedenke an mich / wenn du in dein
Reich kompst .

Alhie aber sol ein ieglicher betrachten /
was für ein grosser vnd starcker glaube / in
diesem Mörder mus gewesen sein / das er den /
C ij welcher

welcher von jederman verspott vnd verspelt
et/verhōnet vnd gelestert/ auch von der gans
tzen Welt / für den elendesten vnd verechts
lichsten Menschen / geschetzt vnd geachtet
wird/ mitten vnter den Mördern am Creutz
hangend / von Gott vnd allen Menschen
verlassen / das er dennoch für einen D^{er}rn/
ja nicht für ein D^{er}rn allein / sondern auch
für einen König / vnd darzu nicht für einen
gemeinen / irdischen vnd weltlichen König/
helt / welches Reich alhie nur ein kleine zeit
were / vnd allein vber Land vnd Leute ge
walt habe/ sondern in jenem leben ein ewi
ges Reich sey / vnd seine gewalt / sich vber
die lebendigen vnd die todten/ ja vber den
Todt / die Sünde vnd den Teuffel selbst
erstrecke.

Für einen solchen D^{er}rn vnd König/
helt dieser bekertter Mörder/den armen vnd
gecreutzigten Christum/ das sein Glaube on
allen zweifel/ der grösten vnd höchsten glau
ben einer ist/ die in der welt gewesen sind/vñ
ist solches on zweifel allen grossen sündern/
wie er einer gewesen / zum trost geschehen/
das sie an der gnade vnd barmhertzigkeit
Gottes nicht verzagen noch verzweifeln sol
ten.

Wir sehen auch/das dieses Schechers
gedancken/ von des Messie Reich / viel hö
her

her vnd anderst / denn der Phariseer vnd
auch der Aposteln selbst / gestanden vnd ge-
wesen sind / welche nicht anderst meineten /
denn das Messias ein leiblich Reich hie auff
Erden anrichten / vnd viel Land vnd Leute
vnter sich bringen / vnd die Jüden von allen
ihren feinden erlösen würde.

Dieser Mörder aber fehet alhie an / vnd
füret vns in die Schule / leget vns die Pros-
pheten aus / vnd leret vns / wie wir die selb-
ge recht verstehen sollen / vnd spricht / Das
Messias nicht ein solcher schlechter Salua-
tor / Heiland vnd Erlöser sey / wie Gideon
oder Simson / der vns von vnsern leiblichen
feinden erlöse / Sondern sein Ampt vnd ge-
walt / sey viel herrlicher vnd gewaltiger /
Nemlich / das er darzu von Gott gesant vnd
gegeben sey / das er durch solche seine Mar-
ter / Creutz vnd sterben / alle gienbige von
den greulichen vnd erschrecklichen feinden /
als vom Gesetze / von der Sünde / vom To-
de / Teuffel vnd Helle erlöse / vnd die selb-
ge nicht in ein zeitliches vnd vergengliches /
sondern in sein ewiges Reich mit sich füre /
da ewiges leben / ewige freude vnd seligkeit
innen sey. Das ist die meinung dieser wort /
das er spricht / **DEXX** / gedencke an mich /
wenn du in dein Reich kompst / Gleich als
wolt er sagen / es ist nichts mit diesen ir-
dischen /

dischen / zeitlichen vnd vergenglichen Reich-
en / Dein Reich aber / das ist ein recht / ge-
waltig Reich &c.

Derhalben sihet nu jederman / das in
diesen Worten des Schechers / die Summa
vnd der Inhalt aller Propheten vnd heiliger
Schrift begriffen ist. Denn da sehen wir /
was für ein grossen vñ gewaltigen Glauben
dieser Schecher gehabt / das / wiewol er ein
grosser Sünder gewesen / Idoch lesset er
sich seine sünde nicht von dem gebet / noch
von dem **HERRN** Christo abschrecken / son-
dern hat seine Zuflucht zu ihm / hoffet vnd
vertrauet festiglich / er werde ihm helfen.

Man sol aber auch alhie betrachten /
wie dieser Schecher bekeret wird / vnd durch
Christum die gnade / vergebung der sünden /
vnd die seligkeit erlanget / nemlich / nicht
auff diese weis / wie solches der Papst leret /
das er seine sünde büsse / vnd selbst da für
genug thue / vnd darnach durch gute werck
die gnade vnd seligkeit verdiene / Sondern
also gehet es alhie zu / Er bekennet erstlich /
das er ein armer Sünder sey / welcher Gott
seinen **HERRN** hart erzürnet habe / vnd
in das Reich Gottes / durch sein verdienst /
welcher er keines hat / nicht komen möge /
Darumb auch / rühmet er sich auch
keiner

Keiner guter werck noch verdienst / Denn da
war nichts / denn lauter grosse sünde /
Idoch verzweiffelt er gleichwol nicht an der
gnade Gottes vnd seiner seligkeit / sondern
gedencket / Siehe / dieser ist der warhafftige
Messias / welchen der himelische Vater dar-
umb in diese grewliche marter / vnd den
schmehlichen Todt des Creutzes / on alle
seine schulde vnd verwicklung gegeben hat /
das er das Opffer für meine vnd der gans-
zen Welt sünde sein / Vns den himelischen
Vater widerumb versöhnen / vnd das ewige
Reich verdienen sol.

Das ist des Schechers Glaube / die-
weil er denn aus solchem starcken glauben /
zu Christo ruffet vnd schreiet / Herr / Ge-
denck mein / wenn du in dein Reich kompst /
so wird sein gebet auch erhöret / wie es denn
vnmöglich ist / das Gott eines solchen glau-
bigen Menschen gebet / nicht solt erhören.
Darumb so spricht im Christus auch vber
seine sünde die Absolution / vnd verheisset
im / das er bey im in seinem Reich / vnd dem
ewigen leben sein sol / mit diesen Worten /
das er zu im spricht / Warlich ich sage dir /
Heute wirst du mit mir im Paradis sein /
Durch welche wort / Christus auch das
verstentnis vnd auslegung der Propheten /
des Schechers / bestetiget vnd bekräftiget.
Was

Was ist aber dem Schecher das wol für ein
großter Trost vnd freude gewesen / das er da
gehört / wenn er sampt Christo jetzund das
elend leben würde verlassen / so solt er im
ewigen leben / mit den lieben heiligen Pro-
pheten / vnd auserwählten Gottes das Reich
Gottes besitzen?

So haben wir nu bis hieher auff das
Kürtzte vnd einfeltigest / das aus des Sche-
chers vnd des Herrn Christi predigt ge-
hort / nemlich / warum Christ / vnd war
zu er komen / geliden vnd gestorben / was er
vns durch sein heiliges leiden erworben /
was sein Reich sey / vnd wie man die ewige
gerechtigkeit vnd seligkeit erlange. Denn
dieser Schecher begeret vergebung seiner
sünden / vnd verlesset sich nicht auff seine
Werck oder verdienst / sondern auff Gottes
gnade vnd barmhertzigkeit / Vnd dieweil
Christus im die vergebung der sünden vnd
die seligkeit darauff verheisset vnd zusaget /
zeigt er klerlich damit an / das man solche
himlische güter / durch keine andere weis
noch wege / denn wie dieser Schecher / kün-
ne oder möge erlangen / Vnd ist vns alhie in
diesem Schecher ein seer schön vnd tröstlich
Exempel der Buß vnd vergebung der sün-
den fürgestellt / das jederman wissen sol / wie
man die vergebung der sünden vnd die selige-
keit /

Zeit / nemlich / allein aus zuversicht der barm
hertzigkeit sol erlangen / vnd von Gott durch
den glauben entpfahen.

Das ist nu die Summa vnd der Haupte
artickel der Christlichen lere / von der gerecht
tigkeit des glaubens / von der Buß / wie
vnd wo durch man das ewige leben möge
erlangen.

Nu wollen wir auch von guten wercken
sagen / vnd sehen / was für gute werck / die
ser Schecher gethan / vnd wie er Gott ge
dient habe. Denn das ist vnmöglich / das
die Christliche Kirche / solte on gute werck /
vnd on Gottes dienst sein / Denn darumb
hat Gott das Menschliche geschlecht erlö
set / das man inen von wegen solcher wol
that loben / preisen vnd ehren / vnd in die
nen solt / Darumb erfordert er auch von vns
sonderliche werck vnd Gottes dienst.

Wer darff aber sagen / das dieser bekant
ter Schecher solche gute werck vnd dienste /
Gott nicht habe gethan? denn daran ist er
dardurch nicht verhindert / das er da am
Creutz henge / Denn er hat solche werck
vnd Gottes dienst gethan / vnd dem Herrn
Christo erzeigt / welche Gott sonderlich er
fordert vnd von vns haben wil.

Denn da sehen wir / wie er Buße thut /
D seine

seine sünde erkennet vnd berewet / was er
auch von dem Heiland vnd Erlöser der
welt / welcher im an der seiten henger / helt /
vnd leset sich diese jemmerliche vnd erberma-
liche gestalt / des gecreutzigten Christi / wel-
cher ietzund verscheyden sol / nicht von im
abwenden / sondern ruffet in in seinen nö-
ten an / vnd begeret vergebung der sünden
von im.

Das sind rechte köstliche werck / Ober
das / so verteidigt er auch des DERN Chris-
stiehre / vnd wiewol er da jemmerlich zera-
martert vnd zurißten am Creutz henger /
vnd itzt sterben sol / jedoch leget er sich wi-
der seinen Gefellen / welcher Christum
schendet vnd leset / straffet den selbigen
mit ernstlichen vnd harten Worten / vnd wil
also seinen lieben DERN / von im vnges-
chmehet haben.

Das ist nu das edle werck / des bekent-
nis des glaubens / welches / wie theur vnd
hoch es von Gott dem DERN geacht
wird / zeigt die Schrift klerlich an / als
Matth. am x. cap. da Christus also spricht /
Wer mich bekennet für den Menschen / den
wil ich bekennen für meinem himelischen
Vater.

Also habe ich nu in der kurtze ange-
zeigt /

zēigt/ die guten werck des bekerten Sche-
chers. Nu bitte ich / das ein jegliches fro-
mes hertz wölle betrachten / wie es zur sel-
bigen zeit/ in der Kirchen vñ Gemeine Got-
tes sey gestanden. Da hēget der Son
Gottes am Creutz / vnd erzeiget nu nicht
mehr seine Göttliche gewalt / mit grossen
vnd gewaltigen wunderzeichen / wie er zu
vor gethan / Derhalben wird er von dem
gottlosen hauffen verspott vnd verlacht /
Seine Jünger aber die Apostel / die waren
von zweiffelung vnd forcht halben zerstre-
et / vnd von im gelauffen / Darzu waren
auch deren viel / welche im zuuor zugethan
waren / welche dadurch bewegt waren /
das sie gedachten / Sihe / were das der
rechte / warhafftige Messias / so würde im
je Gott nicht also in solchem jamer vnd
hertzleid bleiben vnd stecken lassen / Er wür-
de im on allen zweiffel heraus helfen / Da
ist nu allein die liebe Mutter Maria / welche
allein im Glauben bestendig bleibet / Die
wartet viel auff ein ander ende vnd ausgang
der sachen / denn die andern alle.

Denn es vnmöglich gewesen were /
das die liebe Mutter Gottes / solche greu-
liche Marter / an irem lieben Son / bet-
te können sehen / Wenn sie nicht durch
den Heiligen Geist / vnd den Glauben /
D ij were

were gesterckt vnd getröst worden / Dieweil
aber zur selbigen zeit die Jünger vnd alle
Lente schweigen / vnd niemand diesen Son
Gottes wil odder darff loben vnd preisen /
So heben nu alle Creaturn an / den selbigen
zu predigen / vnd durch jr zeugnis den Son
Gottes zu ehren / ja dieweil die Kirche vnd
Gemeine Gottes also erschrocken vnd ver-
zagt / auff das je nicht an einem Prediger /
welcher Christum lobe vnd ehre / fehle / so
erwecket Gott den Schecher am Creutz /
der mus der gantzen welt vom Creutz herab
von diesem Christo predigen / Da gibet er
vor der gantzen welt / diesem Ihesu ein of-
fentlich zeugnis / das er der Heiland sey /
welchen Gott verheissen habe / das er der
sey / welcher allein die ewige seligkeit vnd ge-
rechtigkeit gebe.

Derhalben so mögen nu die Ppft /
Bischoffe vnd Cardinel / Pfaffen vnd Mön-
che / wol stille schweigen / vnd auffhören
sich zu rühmen / das ire Rotte vnd versam-
lung / welche sie felschlich die Christliche
Kirche nennen / nicht könne irren / wie sie den
stets rüffen vnd schreien / Ecclesia non potest
errare / dieweil sie alhie sehen / in was furcht
vnd irthumb zu dieser zeit / die Apostel vnd
Gemeine Christi gewesen sind.

Dieweil aber die Historia des leidens
vnd

vnd sterbens Christi/ on zweiffel den samer
vnd das hertzeleid / der Christlichen Kirch-
en/ so sie zur letzten zeit leiden wird / beden-
tet / so sehen wir / das das zanken / dieser
beider Schecher am Creutz/ ein vorbilde ist/
des zanks/ so von wegen der Religion / zu
vnsern zeiten zwischen den Papisten vnd vns
ist. Denn gleich wie zur selbigen zeit zwisch-
en den beiden Schechern / also auch itzt zu
vnsern zeiten/ hebet sich zwischen vns beiden
Parten der hadder auch / von des lieben
HERRN Christi wegen.

Denn wiewol jetzund zu vnsern zeiten/
der Papst/ die Bischoffe/ Cardinel/ Pfaf-
fen vnd Mönche / vnd der selbigen Diener/
etliche grosse / gewaltige Tyrannen / Chris-
tum vnd sein Wort schenden vnd lestern /
vnd ein kleine zeit irer wollust alhie gebräu-
chen / allen mutwillen an viel fromen vnd
Gottforchtigen Leuten vben/ idoch hangen
sie schon am Creutz des gottlosen Schech-
ers/ vnd werden balde von wegen ires lestes-
rens vnd irer Tyranny/ ire straffe von Gott
dem HERRN empfahen.

Da aber nu Gott der HERR / mittler
zeit/ vor der Welt ende/ die reine/ rechte Lei-
re vnd bekentnis des Glaubens / wider hat
wollen vernewen / vnd ans Liecht bringen/

D iij

dierweil

Wieweil die Gelehrten vnd alle Leute / forcht
halben haben müssen stille schweigen / da
hat Gott der D E R etliche Welden in
Deutschen Landen erwecket / welche kei-
nen schein der weisheit noch heiligkeit he-
ten / durch welche Gott die reine Lere wider
an tag gebracht. Denn das kan man je
nicht leugnen / das viel Artickel der Christ-
lichen Lere / also durch die selbige nu zur zeit
verflert sind / das man daran wol sehen vnd
spüren kan / das Gott der D E R / dieses
helles liecht des Euangelij / zu solchen letz-
ten zeiten / seiner Kirchen wider hat geben /
vnd anzünden wollen.

Darumb sihet jederman / das in vnsern
Kirchen / eben das von der Erlösung / vom
Glauben vnd Christlichen gerechtigkeit ge-
leret wird / da vñ dieser Schecher am Creutz
prediget / Wir wollen vns auch nicht sche-
men / den Schecher zum Prediger vnd Apo-
stel zu haben / welches Lere vnd Glauben /
Christus durch ein öffentlich zeugnis besta-
tigt. Wolte Gott / das wir Christum mit
einem solchen starcken vnd bestendigen glau-
ben auch anrufften wie er thut / wiewol ich
kein zweiffel habe / das etzliche sein werden /
welche auch etzliche fñcklin solches glau-
bens haben werden.

Denn das ist je gewis / das in der Ge-
mein

mein vnd versamlung / da die Abgötterey
abgethan / vnd die rechte lere Christi ist / et-
liche warhafftige Christen sein müssen. So
sibet man auch in vnser Kirchen öffentliche
zeugnis vnd zeichen des heiligen Geistes.
Denn wie viel sind wol der vnsern gedultig
vnd willig mit grosser freidigkeit vnd besten-
digkeit / des W^{ir}rn Christi halben gestor-
ben? Ich weis viel ehrliche Matronen /
welche / wenn sie itzt an irem letzten ende /
mit dem tode haben gerungen / Gott gedan-
cket haben / das sie zum erkentnis Christi /
vnd dieser Lere komen sind / vnd mit gutem
friedsamen vnd gerühlichem Gewissen / die-
weil sie gebet / vnd Gott gedancket vnd gelos-
bet haben / verschieden vñ entschlaffen sind /
das man an inen wol spüren vnd mercken
kündte / das sich die ewige freude vnd leben /
schon in den selbigen hette angefangen / ehe
sie auch von hinnen schieden. Vber das / so
ist auch das ein gros zeichen vnd zeugnis
des heiligen Geistes / das Gott der W^{ir}rn
nu so viel jar / wider alles wüten vnd toben
des Teuffels vnd seiner schupen / diese vnser
Kirche erhalt vñ wunderbarlich verteidiget.

Vnser Feinde aber verachten die reine
Lere des Euangelij / vnd sprechen / sie thue
kein wunderzeichen nicht / so doch jeder man
sibet / das bey inen / wider die rechte lere noch
ehrliches vñ Gottseliges leben / viel weniger
einige

einige wunderzeichen sind. Denn gleich wie
Christus / da er am Creutz hieng / schwach /
vnd keine wunderzeichen thun / noch seine
Göttliche macht erzeigen wolt / des gleich-
en man auch nichts seltsames noch wunder-
barlichs am Schecher / den allein die rechte
forcht Gottes / sahe / von welcher wegen er
von dem gottlosen hauffen verlachet ward /
Also ist itzt zu vnsern zeiten die rechte Christ-
liche Kirche schwach / vnd hat wenig sicht-
barliche vnd öffentliche wunderzeichen.
Gleich aber wie diese seltsame vnd wunder-
barliche bekerung des Schechers / ein gros
wunderzeichen / den verstendigen vnd Gott-
forchtigen ist / also hat auch zu dieser zeit
vnsere Kirche / ire der gleichen wunderwerck.

So aber vnser Feinde vnd Widersach-
er / ire wunderwerck zu hören begeren / will
ich inen auch etliche erzelen.

Erstlich rhümen sie sich / das sie die heil-
ige Christliche Kirche sind / So bite ich /
das doch alle frome Christliche hertzen be-
dencken vnd betrachten wollen / ob es auch
möglich sein könne / das dieser hauffe / wel-
cher alle schendliche Durerrey / vnd grewli-
che vnzucht / auch mit solcher halstarrigkeit
vnd Teuffelischem wüten vnd toben vertei-
diget / das sie die jenige / so Ehelich werden /
vnd sie

vnd sie zur Ehe/ welche Gott selbst hat ein-
gesetzt/ vermanen/ verfolgen vnd jemerlich
ermorden.

Wo hat man aber irgent zu ewigen zeiten
gehöret oder gelesen/ das so wüste/ wilde
vnd Teuffelische Leute in der welt sein
soltten/ welche die jenigen / so die grewliche
vnzucht straffeten/ vnd den Ehestand lobeten
vnd preisetten / solten erwürgen vnd er-
morden / wie zu vnsern zeiten / der Papst /
die Bischoffe/ Cardinel/ Pfaffen vnd Mön-
che thun?

Sie fordern von vns zeichen vnd wun-
derwerck/. Diese wunderwerck aber / nema-
lich die vnerhörte schande vñ vnzucht/ so bey
inen geübet vnd getrieben wird / sol allen
Menschen ein gewis zeichen vnd anzeigung
sein / das die selbigen/ des Papsts Kotte /
welche also mit Abgötterey/ Gotteslesterung
lügen/ meineid / vnzucht vnd mord besfleckt
ist / gewislich nicht des MErn Christi /
wie die rechte heilige Christliche Kirche /
sondern des leidigen Teuffels Braut vnd
versamlung sey / welche zu solchen grewli-
chen sünden/ von irem Breutigam dem Teu-
ffel/ also gereitzt vnd getrieben wird.

Sum andern/ wüste ich wol noch viel
E mehr

mehr gewolliche vnd Teuffelische wunder
werck vnser Widersacher / des Papsts Kots
te zuerzelen / Ich wils aber auff das mal
von wegen der kurtze / nicht thun / vnd wil
wider von diesem vnserm Apostel vnd Pre
diger / dem Schecher sagen / welcher vns
vom Creutz herab leret vnd prediget / vnd
des D^Errn Christi ehre verteidiget.

Dieser Schecher / der da am Creutz
henger / vnd ietzt sterben sol / dieweil er seine
liebe jegen Christo durch predigen / oder an
dere Christliche werck vnd Gottes dienst /
nicht mehr beweisen kan / so thut er das /
welches er thun kan / vnd im möglich / stras
ffet den andern Schecher / welcher Chris
tum / mit dem andern gottlosen hauffen /
schendet vnd lestert. Also sollen auch wir
thun / Denn dieweil vnser Widersacher /
das Regiment in den henden haben / vnd
wir nu also ein lange zeit vnd oftmals / die
Könige / hohe Potentaten / Fürsten vnd
Derrn / in aller vntertthenigkeit gebeten ha
ben / das sie doch auff mittel / weis vnd we
ge gedenccken vnd trachten wolten / das in
Christlicher Religion / ein eintrechtigkeit der
reinen Lere Christi möchte auffgericht wer
den / vnd vnser Widersacher nicht eines
haren breite / von irem irthumb gedenccken
abzustehen / vnd wir auch bey den Regenten
wenig

wenig erhalten können/ So sind wir schuld-
dig/ diesem Exempel des Schechers nach
zu volgen / das / wiewol vns die hende ge-
bunden/ vnd dieweil wir nicht im Regiment
sind/ wenig zu thun vermögen / odder aus-
richten können/ das wir doch gleichwol vn-
serem lieben Gott diese trew vnd dienst er-
zeigen vnd beweisen / das wir wider solche
Scherder vnd Lestere / die ehre vnsers lie-
ben **ME**rrn Christi Ihesu / mit predigen/
schreiben vnd leren verfechten vnd verteidig-
en/ der Widersacher vnd Lestere lere vnd
bücher verlegen/ zu nicht vnd schanden ma-
chen/ ire Canones / so wider Gott sind ver-
werffen/ ire heucheley vnd schendlich leben
vnd vnzucht straffen / vnd an tag geben /
auff das sich alle frome/ Gottforchtige Leu-
te für inen wissen zu hüten / da mit sie nicht
durch ire gemeinschaft vnd gesellschaft ver-
fürt/ befleckt vnd verunreiniget werden.

Unsere Feinde vnd Widersacher / die
Bischoffe vnd Cardinel / die wollen nu so
viel jar heran / keine freundtliche vnd fried-
liche handlung noch rate nicht leiden noch
annemen / sondern alle ire ratschlege / syn
vnd gedanken / sind allein dahin gericht /
das sie vns gedencen zuerwürgen vnd er-
morden/ solches zeigen ire Tyrannische vnd
Neronische edict vnd gebot/ so sie allenthal-
ben

ben in jren Landen ausgehen lassen / genug-
sam an. Warumb aber thun sie das? Dar-
umb das sie ire Abgötterey / ire Meineid / ire
an vielen fromen vnschuldigen Leuten be-
gangene mord / ire schendliche vnd vnerhör-
te schande vnd vnzucht / damit gedenccken zu
erhalten / vnd mit solcher vnrechter / Nero-
nischer gewalt zu verteidigen.

Das aber das alles war sey / das kön-
nen sie auch selbst nicht leugnen noch ver-
neinen / Darzu so ist jr keiner nicht / er sey so
geschickt / gelert vnd beredt als er wölle / der
solche ire grewliche laster / auch zum schein
allein / könne oder vermöge beschönen / viel
weniger entschuldigen / ablenen oder vertei-
digen / vnd wenn sie schon ein Periclem bet-
ten / von welchem man schreibet / das er also
wol beredt gewesen sey / das die Leute seine
rede / wie den Plitz vnd Donner gefürchtet
haben / Idoch so ist nu zu dieser zeit / ire bü-
berey vnd die warheit also hell vnd klar / das
vnmüglich ist / das jrer bösen sache / bey ver-
stendigen Leuten / ein guter schein möge ge-
geben werden.

Derhalben wil ich hiermit alle frome
hertzen treulich gewarnet vnd vermanet ha-
ben / das sie sich von solchen Gottes feinden
bey zeit absondern / vnd bey leibe nicht jrer
grewlichen

grewolichen sünden / durch irgend einige ge-
meinschaft mit ihnen teilhafftig machen /
darzu das Exempel dieses bekerten Sche-
chers vleissig betrachten / auch mit leren /
predigen vnd schreiben / vnd wo mit sie kön-
nen / öffentlich gegen jederman bezeugen vnd
bekennen / das sie irer gewolichen Abgötter-
ey vnd Gottes lesterung feind seien / vnd
ihnen zu irem Teuffelischem wüten vnd toben
wider die arme / vnschuldige Christen / nicht
helffen noch raten wollen .

Denn solche laster / vnd vnerhörter
grim / wüten vnd toben / wider die warheit
Gottes / so wir an vnsern Feinden vnd Wi-
dersachern sehen / kompt nicht von Mens-
chen / sondern hat seinen vrsprung vnd her-
komen vom Teuffel selbst .

Weiter / Wiewol dieser armer Schecher
welcher des D^Errn Christi ehre verteidig-
et / grosse schmertzen / angst vnd marter
am Creutz leidet / Idoch sollen wir wider-
umb auch das betrachten / was für ein gros-
se freude er in seinem hertzen da von gehabt /
das er da gewislich gehört vnd gegleubet /
das er bey dem D^Errn Christo im Paradis
vnd ewigen leben sein würde / Also auch
wir / wiewol wir viel fehrligkeit vnd hertza-
leid / von wegen des bekentnis des heiligen

§

Euangelij

Euangelij ausstehen vnd leiden müssen/
Idoch sol vns das in vnserm leiden/ wider-
umb ein grosser trost sein/ das wir nichts mit
den verreterlichen vnd blutdürstigen ratschle-
gen der Bischoffen vnd Cardinalen/ vnd mit
des Teuffels bündnis zu thun haben / Wel-
cher/ auff das er Gott den Herrn schenden
vnd lestern / Krieg / mord vnd blutvorgie-
ssung möge anrichten / vnd alles verwü-
sten vnd verheren / leit er den Bischoffen
vnd Cardinalen tag vnd nacht inn oren/
reizt vnd treibet sie vnd auch andere Tyrana-
nen / das sie die Abgötterey / vnd andere
schande vnd laster sollen bestetigen/ vnd ver-
fechten helffen.

Diese wort S. Pauli / sind also erschreck-
lich das auch nichts erschrecklichers kan o-
der mag gesagt werden / da er zum Galatern
also spricht / So wir/ oder ein Engel vom Hi-
mel / euch wurde Euangelion predigen/ an-
ders den das wir euch geprediget haben/ der
sey verflucht. Denn mit dem wort / das er
spricht/ der sey verflucht/ hat er alles vnglück
begriffen/ so auff erden einem menschen wi-
derfaren mag. Idoch widerholet er eben
das selbige an einem andern ort / noch mit
viel grenlichern vnd erschreckliehern Worten/
da er also spricht / So jemand den Herrn Je-
sum Christ nicht lieb hat/ der sey Anathema
Maharam motha. Das ist er solle also zum
tode

tode verbannt sein/ das er erger werde ge-
acht/ den der sein vater oder mutter ermordet
hat/ von welches wegen/ wu er nicht getod
vnd abgethan/ wird Gott der Herr /vber
alle Creatur sich erzurnen / vnd alles ver-
derben / von welches wegen das Erds-
reich kein frucht geben / die Sonne iren
schein verlieren/ In summa welcher das gan-
tze menschliche geschlecht vergifften möcht/
Wie jener in der Tragedia von im selbst
spricht/ Weicht von mir/ das nicht irgend/
ein fromer man/ durch mein schatten vergifft
werde. Also vermanet vns S. Paulus, das
wir die feinde Christi/ als den Teuffel selbst
fliehen/ vnd vermeiden/ vnd sie als von Gott
dem Herrn vor verbannte leute halten sol-
len.

Das gebot/ solche verbannte leute zu
fliehen/ ist allenthalben von den heiligen pro-
pheten widerholet/ vnd wird vns vielmals
in der heiligen schrift vorgehalten / wer
aber solches verachtet/ der selbige wird selbst
erfahren/ so er mit solchen leutē gemeinschafft
haben wird/ das er durch sie auch mit der
zeit wird vergifft/ vnd mit dem Teuffel/
der sie itzund wider Christum reitzt vñ treibt/
auch besessen/ vnd in greuliche irthumb vñ
Gottlos wesen wird gefurt werden/ daraus
er nachmals nicht leichtlich / oder vñleiche
sein leben lang nicht wird kommen mogen.

§ ij Solche

Solche greuliche straffe / sollen alle
Gottforchtige hertzen betrachten / das sie
sich da für wissen zu hüten. Denn wiewol
es solchen Gottes vnd aller Creaturen Fein-
den eine zeitlang wol vnd glücklich gehet /
wie denn die Tyrannen / Dionysius / Nero /
vnd etliche andere wütrich / eine zeitlang ge-
regiret haben / Idoch haben sie gleichwol
zu letzt noch ein greulich ende genomen /
Darzu sind auch viel der jenigen / so mit inen
gemeinschafft gehabt / /schendlich vmb ir
leben komen / wie es denn diesen vnsern
Papsts vnd Bischoffs freunden / mit der
zeit eines teils auch ergehen wird. Denn das
ist je gewis / das alle Tyrannen / an des Got-
tes lesterischen Mörders Creutz schon vnd
albereit hengen / wiewol sie noch nicht alle
ire marter empfinden vnd sehen können.

Weiter / Dieweil kein Mensch nicht
gerne mit dem zu thun odder gemeinschafft
hat / welchen er eines vnrechten beganges
nen mords schuldig weis / wie viel mehr
sollen alle Menschen / dieser gemeinschafft
fliehen / welche die Abgötterey / Gottes le-
sterung / Greuliche vnd vnerhörte schande
vnd vnzucht / die man auch eines teils nicht
nennen darff / schützen vnd verteidigen /
welche vol meineides / vol des Teuffelischen
wider Christum vnd seine Gesalbten / to-
bens.

bens vnd wütens sind / vnd nach nichts anders / denn nach vnschuldig Christlich blut dürstet / Welches / wiewol sie sich nu billich solten vol gesoffen haben / dieweil sie allenthalben / so viel frome / vnschuldige Leute / eines teils heimlich / etliche auch öffentlich erhenckt / ertrenckt / verbrenndt / erstochen / erhungert vnd jemerlich ermordet / Idoch können sie sich solches Christlichen bluts / nicht genug volsauffen / sondern es werden an allen örtern / von den Bischoffen / Cardinelen / Pfaffen vnd Mönchen / da sie die vberhand haben / noch teglich viel heiliger Leute jemerlich von inen erwürget vnd ermordet .

Man saget / das kein grenlicher Thier auff Erden sey / denn ein Panther thier / Idoch lesen wir in Historijs / wenn die arme Christen von den Tyrannen / zu solchen Panther thieren gesperret sind / das sie solten von inen zerrissen werden / haben sie jr verschonet / vnd sich gleich vor inen geschewet . Unsere Feinde aber / als die Fabry / Nauseae / Mezenta / etliche gottlose Fürsten / der Bischoffe vnd Cardinelen diener vnd Malchus / welche durch diese sache gedencen reich vnd gewaltig zu werden / die sind viel grewlicher vnd wütiger / denn die Panther thier / bey welchen man auch also

§ iij.

gan

gar keiner barmhertzigkeit sich versehen darff/
das sie tag vnd nacht allein da mit vmb ge-
hen / das durch sie irgendet ein mörderisch
Krieg erregt / gantz deutsch land verwüst vn-
verhert / frumme arme Weiber vnd vnschul-
dige Kinder erstochen / alle rechte Christliche
Religion / sambt allen guten Regimenten /
Policeyen vnd ordnungen / mochten verstore
vnd zu ewigen zeiten verwüst werden. Da-
mit gehen sie vmb / das wolten sie gerne se-
hen vnd anrichten.

Gleich aber wie dieser vnser Apostel /
der bekerte Schecher / sein gesellen von we-
gen seiner schmech vnd lester wort straffet /
also auch sind alle Gottfürchtige mensche /
vnd sündlichen die gelerten schuldig / zu al-
len vnd itzlichen zeiten / wider solche Mörde-
rische lester Schecher / zu schreiben / schreien /
lernen vnd predigen / vnd sie von wegen ires
schenden / lester / Wüten vnd toben zu straa-
ffen / auff das wir vns nicht / mit vnserem
stillschweigen / irer sünden teilhafftig ma-
chen / vnd von andern lenten / als die jenige
so darein verwilligten / geschätzt vnd geacht
werden / Dartzu auch gedencen / das alle
Christen schuldig sind / die ehre ires Lieben
Herrn vnd seligmachers Jesu Christi zu
hortedigen. Denn wer mich ehret (spricht
Gott) denn wil ich auch ehren / Wer aber
mich veracht / wirdt verschmehet sein.

Bedruckt in der Churfürst-
chen Stadt Wittenberg/
durch Joseph Klug.

M. D. XXXX.

29 34549

(X 220 6645)

nc

Handwritten musical notation on three staves. The notation includes various notes, rests, and accidentals. The word "tenuta" is written below the second staff. Above the first staff, there are several "6" symbols. Above the second staff, there is a "5/6" symbol and a "tenuta" label. Above the third staff, there are several "6" symbols, a "#", and a "4#" symbol.



Ein kurze Verma-
nung/das alle Christen schul-
lich sind / dem Exempel
des bekehrten Schechers nach zu volgen/
nemlich / Christum vnd sein Wort/
wider die Schmeher vnd Lest-
er zu verteidigen / Vera-
deutschet durch
Georgium Maiorem.

Philip. Melanth.

Anno. M. D. XL.

Wittenberg.
9.

No 3329